

Gaelic God's Simple Plan

Am Bioball Gàidhlig

Oir pheacaich na h-uile, agus tha iad air teachd geàrr air glòir Dhè: Romanaich 3:23

Oir is e tuarasdal a' pheacaидh am bàs: ach is e saor-thiodhlac Dhè a' bheatha mhaireannach, tre losa Crìosd ar Tighearna. Romanaich 6:23

Oir is ann le gràs a tha sibh air ur tèarnadh, tre chreideamh: agus sin chan ann uaibh fhèin; is e tiодhlac Dhè e: Chan ann o obraichean, a-chum nach dèanadh neach air bith uaill: Ephesianaich 2:8-9

Agus air seasamh don chìs-mhaor fad air ais, cha b'àiil leis fiù a shùilean a thogail suas gu nèamh, ach bhual e a uchd, ag ràdh, A Dhia,dèan tròcair ormsa a tha am pheacach. Lùcas 18:13

Oir is ann mar sin a ghràdhhaich Dia an saoghal, gun thug e a aon-ghin Mhic fhèin, a-chum is ge bè neach a chreideas ann, nach sgriosar e, ach gum bi a' bheatha shòrraidh aige. Oir cha do chuir Dia a Mhac don t-saoghal a-chum gun dìteadh e an saoghal, ach a-chum gum biodh an saoghal air a shaoradh trìds Eòin 3:16-17

Cha do thachair deuchainn air bith ribh, ach nì a tha coitcheann do dhaoine: ach tha Dia dileas, nach leig dhuibh a bhith air ur feuchainn thar ur comais; ach a nì maille ris an deuchainn slighe gu dol as mar an ceudna, a-chum gum bi sibh comasach air a giùlan. 1 Corintianaich, 10:13

Oir tha dearbh-bheachd agam, nach bi bàs, no beatha, no aingil, no uachdarachdan, no cumhachdan, no nithean a tha an làthair, no nithean a tha ri teachd. No àirde, no doimhne, no creutair sam bith eile, comasach air sinne a sgaradh o ghràdh Dhè a tha ann an losa Crìosd ar Tighearna. Romanaich 8:38-39

Oir is e Crìosd crìoch an lagha a-chum fireantachd do gach neach a chreideas. Romanaich 10:4

(Oir tha e ag ràdh, Ann an àm taitneach dh'èisd mi riut, agus ann an là slàinte rinn mi còmhnhadh leat: feuch, a-nis an t-àm taitneach; feuch, a-nis là na slàinte.) 2 Corintianaich 6:2

A-nis nuair a chuala iad seo, bha iad air am bioradh nan cridhe, agus thubhairt iad ri Peadar, agus ris a' chuid eile de na h-abstoil, Feara agus a bhràithrean, ciod a nì sinn? An sin thubhairt Peadar riu, Dèanaibh aithreachas, agus bithibh air ur baisteadh, gach aon agaibh ann an ainm losa Crìosd, a-chum maitheanas pheacaidhean, agus gheibh sibh tiодhlac an Spioraid Naoimh. Gniomharan nan Abstol, 2:37-38

Agus gun cuir sibh umaibh an nuadh-dhuine, a tha air a chruthachadh a rèir Dhè ann am fireantachd agus am fior-naomhachd. Ephesianaich 4:24

Mar a tha e sgriobhte, Can eil ionracan ann, chan eil fiù a h-aon: Romanaich 3:10

Uime sin mar a thàinig peacadh a-steach don t-saoghal tre aon duine, agus bàs tre an peacadh; mar sin mar an ceudna thàinig bàs air na h-uile dhaoine, do bhrìgh gun do pheacaich iad uile. Romanaich 5:12

Oir air dhuinn a bhith fhathast gun neart, ann an àm iomchaidh bhàsaich Crìosd airson nan daoine neo-dhiadhaidh. Romanaich 5:6

Ach tha Dia a' moladh a ghràidh fhèin dhuinne, do bhrìgh nuair a bha sinn fhathast nar peacaich gun d'fhuiling Crìosd bàs air ar son. Romanaich 5:8

A dhearbhadh a bhith na Mhac do Dia le cumhachd, a rèir Spiorad na naomhachd, tre an aiseirigh o na mairbh: Romanaich 1:4

Air dhuinn fios a bhith againn air do Chrìosd èirigh o na mairbh, nach bàsaich e nas mó; chan eil tighearnas aig a' bhàs nas mó air. Romanaich 6:9

Ma dh'aidicheas tu led bheul an Tighearna Iosa, agus ma chreideas tu ann ad chridhe gun do thog Dia o na mairbh e, gun saorar thu. Romanaich 10:9

Oir ge bë neach a ghairmeas air ainm an Tighearna tèarnar e. Romanaich 10:13

Oir tha dearbh-bheachd agam, nach bi bàs, no beatha, no aingil, no uachdarachdan, no cumhachdan, no nithean a tha an làthair, no nithean a tha ri teachd. No àirde, no doimhne, no creutair sam bith eile, comasach air sinne a sgaradh o ghràdh Dhè a tha ann an Iosa Crìosd ar Tighearna. Romanaich 8:38-39